

# КЕНЕЖ КАНИКУЛЫМ ВЕСЕЛАН ЭРТАРЕНА

Сыһне кенеж пагыт толын шуын. Кажне йоча тиде кум тылзе жапым веселан канынеже. Тыгыде Морко тўвыра пёрт пелен 2 гыч 23 июнь марте "Веселый ветер" сводный отряд пашам ыштен. Тиде отрядыште 26 икшыве канен. Ёдыр-рвезе-влакым тўвыра пёрт ден книгагудо пашаен-влак тўрлө онай модыш дене модыктеныт, сай паша да пайдале мероприятий-влак дене куандареныт. "Сонгыра телефон", шырпакым



шылтен, лото, "Сонарзе ден лудо" модыш, футбол дене модыныт. Сўрет конкурсышто йоча-влак кенеж поянлыкым мастарын сўретленыт. Вич икшывын эн сай пашаштым аклыме, нуно чап кагаз дене палемдалтыныт. Тыгак Ёырым-ёырысе средан тўнямбал кечыжлан пөлеклалтше квест-модыш эртаралтын. Книгагудо вуйлатыше Л.Гаврилова "Сохраним нашу землю" модыш программмы онгайын эртарыш. Руш поэт А.Пушкинын шочмыжлан 220 ий темме вашеш "Все о Пушкине" квест-модышым чулым йоча-влак шкеак ямдыленыт. Книгагудо да тўвыра пёртын кудывечыштыже икшыве-влак, картым ончен, куд станцийым эртенят, книгагудышто Театр идалык вашеш С.Маршакын "Двенадцать месяцев" йомакын ужашыжым онченят.

Тыгак 22 июньышто "Шарнымаш сорта" акцияш ушнымо. Тудо Кугу Ачамланде сарыште Сенымашлан 75 ий темме лўмеш увертаралтеш. Обелиск ончыло сводный отрядыш коштшо йоча-влак, сортам кучен, ик минутым шып шогеныт, тыге сареш вуйым пыштыше-влакым шарналтеныт. Сводный отряд шке пашажым модыш, муро, куштымаш дене мучашлен. Эн чулым йоча-влаклан шере приз логалын. Икте куандара, тений тиде отрядыште индеш икшывылан шукурак лийыныт, воктенысе ялла гычат йоча-влак велосипед дене коштыныт. Нунат пырляште жапыштым веселан эртареныт.

**Л.ГАВРИЛОВА,**  
книгагудо вуйлатыше